



Broj: 01-50-1-15-25/08
Sarajevo, 20.3. 2008. godine

ZAPISNIK

25. sjednice Predstavničkog doma
Parlamentarne skupštine Bosne i Hercegovine,
održane 20. 3. 2008. godine

Sjednica je počela u 14,50 sati. Prisustvovao je 41 poslanik. Opravdano je odsustvovao poslanik Savo Erić.

Iz Vijeća ministara BiH sjednici su prisustvovali: ministri ...

Iz međunarodnih organizacija sjednicu su pratili predstavnici: OHR-a, OSCE-a, EUSR-a, NATO-a, EUPM-a, američke i britanske ambasade, kao i Nevladine organizacije Centara civilnih inicijativa.

Predsjedavajući Živković podsjetio je da je ova sjednica sazvana u skladu s članom 62. stav 3. Poslovnika Predstavničkog doma, po kojem dnevni red može biti predložen i za vrijeme održavanja sjednice. Razlozi za ovakvo sazivanje su poznati i nema potrebe za šire obrazloženje, jer se radi o razmatranju zakonskih prijedloga iz oblasti reforme policije, nakon što su vraćeni nadležnoj komisiji radi dostavljanja novog izvještaja, rekao je predsjedavajući Živković. Predložio je dnevni red s dvije tačke: razmatranje prijedloga zakona iz oblasti reforme policije, sa izvještajima nadležne komisije.

Predsjedavajući je podsjetio da je u Zajedničkoj komisiji za odbranu i sigurnost ponovo isti rezultat glasanja o prijedlozima zakona – 6:6, te da su, prema tome, ponovo negativni izvještaji Komisije o oba zakona. Podsjetio je na odredbu Poslovnika koja regulira proceduru kada je izvještaj komisije negativan, te naglasio da će i na Domu rezultati biti isti, tj. da su prijedlozi zakona pali i ako se usvoje izvještaji Komisije i ako se ponovo zakoni vrate Komisiji, jer se, po Poslovniku, ne mogu vraćati više od dva puta. Predsjedavajući je u uvodnim napomenama nagovijestio i mogućnost podnošenja predmetnih zakona po hitnom postupku poslije ove sjednice, u skladu s članom 127. Poslovnika i u tom kontekstu održavanja nove sjednice Doma.

Nije bilo rasprave o prijedlogu dnevnog reda, pa je predsjedavajući konstatirao da 25. sjednica Doma ima sljedeći

DNEVNI RED

1. Prijedlog zakona o nezavisnim i nadzornim tijelima policijske strukture BiH, sa Izvještajem Zajedničke komisije za odbranu i sigurnost;
2. Prijedlog zakona o Direkciji za koordinaciju policijskih tijela i agencijama za podršku policijskoj strukturi BiH, sa Izvještajem Zajedničke komisije za odbranu i sigurnost.

Predsjedavajući je zamolio poslanike da vode računa o vremenu, s obzirom da su sada uskršnji praznici za katolike. Predložio je da se objedini rasprava o obje tačke dnevnog reda.

Nije bilo rasprave pa se odmah pristupilo glasanju o izvještajima Komisije za odbranu i sigurnost.

"Za" Izvještaj o Prijedlogu zakona iz prve tačke glasalo je 18 (Federacija BiH 14, Republika Srpska četiri), "protiv" 22, "suzdržao" se jedan poslanik.

"Za" Izvještaj o Prijedlogu zakona iz 2. tačke glasalo je također 18 (Federacija BiH 14, Republika Srpska četiri), "protiv" 22, "suzdržao" se jedan poslanik.

Predsjedavajući Živković konstatirao je da nisu usvojeni izvještaji Zajedničke komisije za odbranu i sigurnost o:

- Prijedlogu zakona o nezavisnim i nadzornim tijelima policijske strukture BiH i

- Prijedlogu zakona o Direkciji za koordinaciju policijskih tijela i o agencijama za području policijskoj strukturi BiH.

Predsjedavajući je zatim naglasio da više nema poslovnčkih mogućnosti da se ovi zakoni vraćaju nadležnoj komisiji te da se tako o njima obustavlja procedura.

Sjednica je završena u 15 sati.

Zaključujući sjednicu, predsjedavajući je dao pauzu do 15,30, rekavši da će poslanici dobiti prijedlog dnevnog reda naredne sjednice.

Međutim, u kasnijim konsultacijama nisu se stekli uslovi za održavanje 26. sjednice, o čemu su poslanici obaviješteni po klubovima.

Sastavni dio Zapisnika je transkript 25. sjednice.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
dr. Milorad Živković